



**QAASUITSUP KOMMUNIA**

**QULLERSAQARFIK / RÅDHUS**

Noah Mølgårdip Aqq. 9 Postboks 1023  
3952 Ilulissat

## Tusagassiutinut nalunaarut

**Qaninnerusumik eqaannerusumillu nutaamik suleqatigiinnissaq anguniarneqalerpoq.**

Ulloq: 28. Maj 2013

Aalisarnermut, Piniarnermut, Nunalerinermullu Naalakkersuisoq Karl Lyberth aamma Qaasuitsup kommuniani Borgmester Ole Dorph, atorfilittatik peqatigalugit ullumikkut ataatsimiiput. Ataatsimiinnermi isumaqatigiissutigineqarpoq Naalakkersuisoqarfiup Kommunillu akornanni qanimut nutaamik suleqatigiinnissaq aqutissiuunniarneqassasoq.

Qaasuitsup kommunia annertuumik Qaleraqarfiunera aalisarfiunera piniarfiuneralu ataatsimiinnermi eqqartorneqarpoq. Ataatsimiinnermi ullumikkut periutsit suleriutsillu qitiusumik naalakkersuisoqarfimmiit, siammasinnerusumillu Kommunemiit / illoqarfinniit suliarineqartartut eqaallisarneqarnerusariaqartut isumaqatigiissutigineqarluni.

Ataatsimiinnermi ilaatigut eqqartorneqarput pisassiisarnerup tungaatigut eqaallisaaneruneq qanoq aqutissiuunneqarsinnaanersoq. Tassunga tunngatillugu nalilersoqqinneqarusuppoq, qanoq Kommune-ip Naalakkersuisoqarfiullu akornanni suleriutsit imaluunniit suliarineqartartut, pitsaanerusumik eqaannerusumik suleqatigiiffiulluartumillu ingerlanneqarsinnaanersut.

Ataatsimeeqatigiit atorfilittatik suliakkerpaat suleqatigiinneq nutaaq eqaannerusoq pillugu periusissanik piffissami qaninnermi siunnersuuteqassasut. Siunnersuullu naammassineqareriarpat tamanna toqqammavigalugu Naalakkersuisoq Borgmesterilu naapeqatigeeqqinnissartik siunnerfigaat.

Ole Dorph  
Qaasuitsup kommunia  
Borgmester

Karl Lyberth  
Aalisarnermut Piniarnermut Nunalerinermullu  
Naalakkersuisoq